



貪字貧字殼

《伊索寓言》借動物搬演人的貪性，彼篇〈貪心狗〉的主角咬一支肉骨過橋，發現水裡有一支闊較大支，看著目空赤，就共喙裡的彼支呷拏掬，起雄變做春逆賊，大範跳落去水裡搶劫。無疑悟生狂狗食無屎，痾貪躉雞籠，舞甲雙頭空。

佛門的經典講「三毒」——「貪」、「嗔(tshin)」、「痴」是痛苦的根源，貪心倚頭名。濟濟人拄著貪就醉茫茫，聖賢冊幌去尻脊骹，七竅八竅濫慘來。「但丁」的《神曲》講著天主教信仰的七項罪惡，貪財、貪食恰貪色就占三項，可見貪正港是咱人的大症頭。

有人貪財歹積德，做食錢官，扮笑面虎。細尾的零星錢加減提，大尾的億來億去嫌無夠，想空想縫搯『khuo-mí-sióng』，揣著機會就欲討紅包。蛀龜四界趁，臺灣頭炭到臺灣尾，過去連純潔的教育單位嘛著鏢，學生仔的便當菜勾水，為著臭錢幾萬箍，害囡仔營養不良枵腹肚。人咧做，天咧看，無天良的代誌總是會焮空，做惡做毒的歹人目矚看裸跣踏著火，現世做現世報，當當關甲頭毛生蟲母。

有人貪食毋是款，喙飽目矚枵，串學胡蠅恰蛇蝥。美國有一个大箍人超過一千斤，雖然無夠格參加豬公比賽，毋過一龐遐大龐，身軀肥胸胸，強欲驚死人！有一工人無爽快，叫救護車趕緊來，哪知鬥傷細空，頭過身袂過，只好損損破；八人大轎扛無法，十二个消防員搬甲怦怦喘，莫怪叫伊世界第一名！2006年「千禧之愛健康基金會」提出健康腰圍的概念，查埔人上濟是九十公分，查某人盡磅是八十，若無代謝症候群來纏纏，糖尿病、心臟病、腦中風恰高血壓相招來躡躡，走病院親像蕪菜市仔，腹肚桶仔變做藥櫥仔。貪食無補所，脹胫加艱苦，三頓上好七分飽，『BMI』的數值顧予好，身體才袂塗塗塗。

有人貪色歹看相，四界經絲命娣仔。戇戇毋知一个好鋪排，兩個去倒害，最後舞甲弄家散宅，行到佗位都顧人怨。薄情郎是活化石，自古早就有放揀愛人的駙馬；今無情人已經進化，個個攏是哲學家，做的雖然是歹代誌，講的攏是大道理，啥物「天下間的查埔人攏會犯這款錯誤」、「正常的查埔人攏會擋袂牢」、「佇『moo-thé-luh』相攬是欲傳送溫暖」。無底無代的人那聽那學笑哈哈，苦情的查某人悲哀吞腹內。

貪念是無底深坑，戇到地刮鵝提金卵，貪利煞蝕本。爽快一時，後悔一世，「風神」落衰改名「無救天尊」！「貪」字「貧」字殼，平平十一劃，毋信逐家寫看覓！

作者：黃文達

☆詞彙學習☆

【目空赤】bák-khang-tshiah：眼紅，嫉妒。

【春逆賊】tsing-piàng-tshát：強盜。

【七竅八竅】tshit-thām-peh-thām：此指欲望無窮，什麼都想要，比喻貪得無厭。

【khuo-mí-sióng】：源自日語『コミッション』的外來詞，指賄賂、回扣。

【當當】tong-tong：此指常常之意。

【命娣仔】phānn-tshit-á：泡妞、把妹。

【去倒害】khì-tò-hāi：此指反而糟糕。

【moo-thé-luh】：源自日語『モテル』的外來詞，即汽車旅館的意思。

【風神】hong-sîn：各地神話中職司風的神祇，也有威風、神氣的雙關意涵。

【無救天尊】bô-kiù-thian-tsun：比喻人像自身難保的神明，表示沒希望的戲謔語。